

# Utkast til verneforskrift for Ulvenfjellet naturreservat i Vestland

## § 1. Føremål

Føremålet med naturreservatet er å ta vare på eit område som representerer ein bestemt type natur i form av eldre furuskog med innslag av rike hasselkratt og brannfelt.

Det er ei målsetting å ta vare på verneverdiane i mest mogleg urørt tilstand, og eventuelt vidareutvikle dei.

## § 2. Geografisk avgrensing

Naturreservatet omfattar følgjande gnr 53 bnr 1 i Bjørnafjorden kommune.

Naturreservatet dekker eit totalareal på ca. 1 428 dekar. Grensene for naturreservatet går fram av kart datert Klima- og miljødepartementet xxxx. Dei nøyaktige grensene for naturreservatet skal merkast av i marka. Knekkpunkt skal koordinatfestast.

Verneforskrifta med kart skal oppbevarast i xxx kommune, hjå Fylkesmannen i Vestland, i Miljødirektoratet og i Klima- og miljødepartementet.

## § 3. Vernereglar

I naturreservatet må ingen gjere noko som skadar verneverdiane som er nemnde i verneføremålet.

I naturreservatet gjeld følgjande vernereglar:

- a) Vegetasjonen, medrekna døde buskar og tre, er verna mot skade og øydelegging. Det er forbode å fjerne plantar og sopp (inkludert lav), eller delar av desse frå naturreservatet. Planting og såing av tre og annan vegetasjon er forbode.
- b) Dyreliv, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- c) Det må ikkje settast i gong tiltak som kan endre naturmiljøet, som til dømes oppføring av bygningar, anlegg, gjerde, andre varige eller mellombelse innretningar, parkering av campingvogner, brakker eller liknande, framføring av luftleidningar, jordkablar, kloakkleidningar, bygging av vegar, drenering eller anna form for tørrlegging, uttak, oppfylling og lagring av masse, utføring av kloakk eller andre konsentrerte forureiningstilførsler, lagring av avfall, gjødsling, kalking eller bruk av kjemiske plantevern- eller skadedyrmiddel. Forsøpling er forbode. Opplistinga av tiltak er ikkje uttømande.
- d) Bruk av naturreservatet til større arrangement er forbode.

## § 4. Generelle unntak frå vernereglane

Vernereglane i § 3 andre ledd er ikkje til hinder for:

- a) Sanking av bær, nøtter og matsopp.
- b) Jakt, fangst og fiske i samsvar med gjeldande lowverk.
- c) Fjerning av treslag som ikkje er stadeigne.

- d) Skånsam beiting.
- e) Vedlikehald av eksisterande anlegg og innretningar i samsvar med tilstand på vernetidspunktet.
- l) Forsvaret sin øving med inntil eit kompani til fots og på ski innanfor skyte- og øvingsfelt merka av på vernekartet.
- m) Forsvaret si utsetting og vedlikehald av skilt om skyte- og øvingsfeltet.
- n) Bålbrenning med tørrkvist frå bakken eller medbrakt ved etter gjeldande regelverk.
- o) Rydding og vedlikehald av eksisterande, stiar og løyper angitt i vernekartet, dvs. fjerning av greiner og nedfall over traseen, samt vedlikehald av skilting og merking.

### **§ 5. Regulering av ferdsel**

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a) Motorisert ferdsel er forbode, medrekna landing og start med luftfartøy.
- b) Utanom eksisterande vegar og stiar, avmerka på vernekartet, er bruk av sykkel, hest og kjerre, samt riding forbode.

### **§ 6. Generelle unntak frå reglane om ferdsel**

Ferdselreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, og gjennomføring av skjøtsels- og forvaltingsoppgåver som er avgjort av forvaltingsmynde. Unntaket gjeld ikkje øvingsverksemd.

Ferdselreglane i § 5 andre ledd er ikkje til hinder for:

- a) Naudsynt uttransport av felt elg og hjort med lett beltekøyretøy som ikkje set varige spor i terrenget.
- b) Landing og start med Forsvarets luftfartøy.
- c) Naudsynt motorferdsel i samband med uttransport av sjuke og skadde bufe. Køyretøy som nyttast skal vere skånsam mot markoverflata. Ein skal gi melding til oppsyn for verneområdet før køyringa skjer.
- d) Forsvaret sin motorferdsel med bil, beltevogn og snøscooter på landbruksveg merka av på vernekartet.
- e) Forsvaret sin motorferdsel på frossen eller snødekt mark med beltevogn og snøscooter innanfor skyte- og øvingsfelt merka av på vernekartet.

### **§ 7. Spesifiserte dispensasjonsreglar**

Forvaltingsstyresmakta kan etter søknad gi dispensasjon til:

- a) Avgrensa bruk av naturreservatet for aktivitetar nemnt i § 3 d.
- b) Nymerking, oppsetting av skilt, utbetring og omlegging av eksisterande stiar og løypetrasear.
- c) Istandsetting, vedlikehald og naudsynt skjøtsel kring kulturminne.
- d) Tiltak i samband med forvaltning av vilt og fisk.
- e) Oppsetting av gjerde og utsetjing av saltsteinar i samband med beiting som omtalt i § 4 d.

- f) Uttransport av felt elg og hjort med anna køyretøy enn lett beltekøyretøy som nemnd i § 6 andre ledd a.
- h) Naudsynt motorferdsle i samband med aktivitetar nemnt i § 4 c og e, og § 7 c, d og e.

### **§ 8. Generelle dispensasjonsreglar**

Forvaltingsstyresmakta kan gjere unntak frå forskrifta dersom det ikkje strir mot føremålet med vernevedtaket og ikkje kan påverke verneverdiane nemneverdig, eller dersom omsynet til tryggleik eller omsynet til vesentlege samfunnsinteresser gjer det naudsynt, jf. naturmangfaldlova § 48.

### **§ 9. Skjøtsel**

Forvaltingsstyresmakta, eller den forvaltingsstyresmakta avgjer, kan gjennomføre tiltak for å oppretthalde eller oppnå den natur- eller kulturtilstand som er føremålet med vernet, jf. naturmangfaldlova § 47.

### **§ 10. Forvaltingsplan**

Det kan utarbeidast forvaltingsplan med nærare retningsliner for forvaltning av naturreservatet. Forvaltingsplanen kan innehalde nærare retningsliner for gjennomføring av skjøtsel.

### **§ 11. Forvaltingsstyresmakt**

Miljødirektoratet fastset kven som skal ha forvaltingsmynde etter denne forskrifta.

### **§ 12. Iverksetting**

Denne forskrifta trer i kraft straks.

Bergen, 20. januar 2020  
Fylkesmannen i Vestland